



Ordinis || Praemon-||stratensis || Chronicon

Le Mire, Aubert

Coloniae Agrippinae, 1613

Qvomodo Soldan Aegyptivs, Regem Armeniæ in bello vicerit & vnum è filijs ceperit, alterum verò neci dederit. Capvt VIII.

[urn:nbn:de:hbz:466:1-64313](https://nbn-resolving.de/urn:nbn:de:hbz:466:1-64313)

QVOMODO SOLDAN
AEGYPTIVS, REGEM AR-
meniæ in bello vicerit & vnum c
filijs ceperit, alterum verò
neci dederit.

CAPVT VIII.

FAuebat fortuna Bendeciar Soldano
AEgypti, vt successu temporis vni-
uersam Armeniam spoliaret ac diriperet.
Id verò tali modo euenit. Quodam tem-
pore Rex Hayto cum suis in Tartariam
processit: resciens hoc Soldan Armeniam
inuadere in animum induxit. Quare mox
Capitaneum suo loco ingenti cum exer-
citu ablegauit. Intellexere autem Regis
Armeniæ filij, Saracenos approximare,
cunctum è vestigio populum virilis sexus
ex omnibus regni finibus, vt tali hosti vi-
rilater se opponerent, conuocauerunt. Sed
vt varij sunt bellorum euentus, tandem
Armeniorum acies fractæ deuictæque fu-
re, filiorumque Regis alter captus, alter in
bello interemptus. Tunc primùm Turcæ
per Armeniam hinc inde excurrebant,
depopulabantur agros, magnas prædas,
cum ingenti Armeniæ nocimento secum
abdu-

abducebant, omnesque ciuitates in plano
sitas funditus diripiebant. Ex illo tempo-
re succreuere vires hostium; contra verō
Regis Armeniæ decreuere. Porrò Rex
Hayto eò omnes suos dirigebat conatus,
quomodo infideles extirpari penitus, vel
saltem deuinci possent. Verūm hoc cùm
intellexisset, mirum in modum tristabat-
tur, assiduè cogitans, qua ratione iniuriā
in Saracenos vlcisceretur. Multoties igitur
Abagam, qui filius Haoloni fuit, a-
liosque Tartaros, vt ad extirpandam se-
ctam Mahumeti, Christianisque in subsi-
dium properarent, adhortabatur. Sed A-
bagamus ob quotidiana dissidia, quæ cum
suis conterminis habebat, sese semper ex-
cusauit. Cognoscens ergo Hayto, se nul-
lum habiturum auxilium à Tartaris, le-
gatos ad Soldanum Aegypti petitum pa-
cem mittit; quod ideo factum est, vt filiū
suū è carcere liberaret. Dedit petitioni
suæ locum Soldan, ea tamen conditione,
vt & ipse suū amicum dictum Sengolassea-
ra, qui à Tartaris in vinculis tenebatur, li-
berum dimitteret, munitionesque & op-
pidum Halape, quæ suo iuri tempore
Haoloni cessere, restitueret, & ita quoque
velle se filium suum liberum pronun-
ciare. Factum est igitur vt Soldan fi-

lium Regis dimitteret, qui vicissim illius
loco amicum prædictum libertate dona-
uit. Adhæc tradidit & munitionem Tem-
perac dictam, aliasque duas, ut Soldan
voluerat, sustulit. Tali itaque modo filius
Regis Armeniæ è carcere exemptus est.
His omnibus ita gestis Rex Hayto, qui
45. annis regnum gubernauerat, & Chri-
stianis plurima beneficia præstiterat, Re-
gnum filio suo Domino Tyuoni, qui ca-
ptus in Ægypto fuerat, resignauit: ipse
verò Hayto mundo & omnibus eius va-
nitatibus abrenuncians, religionem in-
gressus est, qui postea dictus fuit Macha-
rius. Nomen enim (vti in more Arme-
nis positum est, quando vitam religio-
sam amplectuntur, nomina permutent)
aliud fortitus fuit. Postea verò breui
temporis interuallo Rex Hayto feli-
citer in Domino obdormiuit.

Anno millesimo ducen-
tesimo septua-
gesimo.

QVID